

## ÇFARË DUHET TË DIJË ÇDO KATOLIK

nga Richard Peter Bennet

Çdo katolik i mirë dëshiron t'i pëlqejë Perëndisë në këtë jetë tani dhe, kur jeta në tokë të mbarojë, shpreson të jetojë me Atë përgjithmonë. Ky është një qëllim fisnik i bazuar në besimet e tyre personale rreth Perëndisë dhe se si kërkojnë ata që ta njohin Atë.

Por qëllimet fisnike dhe besimet personale rreth Perëndisë nuk garantojnë rezultate – apo jetë të përjetshme.

Ju bëj thirrje të bëni edhe ju atë që unë e bëra mbas 22 vjetësh si një prift dominikan – të siguroheni se besimet tuaja kanë një themel të plotë në Bibël. Këto pyetje do t'iu ndihmojnë ta bëni këtë.

### ***Fjala e kujt është e vërtetë?***

**Kisha Katolike mëson...**

*Fjala e papës është e vërtetë.*

«Pontifi Suprem, për shkak të pozitës së tij, zotëron autoritet mësimor të pagabueshëm...» (Kanuni 749\*)

**Bibla mëson...**

*Çdo fjalë e Perëndisë është e vërtetë.*

Jezusi iu lut Perëndisë, Atit të Tij: «Shenjtëroji në të vërtetën: fjala jote është e vërteta» (Gjoni 17:17).

Jezusi tha: «Shkrimi i shenjtë thotë: 'Njeriu nuk jeton vetëm prej buke, por prej çdo fjale që del nga goja e Hyjit'» (Mateu 4:4).

«I tërë Shkrimi i shenjtë, hyjnisht i frymëzuar» (2 e Timoteut 3:16). Vetëm Bibla e Shenjtë qëndron si një libër i frymëzuar nga Perëndia. Vetë Krishti paralajmëroi se ngritja e shkrimeve të tjera dhe traditave në nivelin e fjalës së Perëndisë do të thotë ta «zhbëni Fjalën e Hyjit për hir të traditës suaj, që ju vetë e bëtë traditë për vete» (Marku 7:13).

### ***A duhet të kemi imazhe të shenjta?***

**Kisha Katolike mëson...**

*Po, ne mund të kemi imazhe.*

«Praktika e shfaqjes së imazheve të shenjta nëpër kisha për përnderimin e besnikëve do të qëndrojë në fuqi...» (Kanuni 1188).

**Bibla mëson...**

*Jo, ne as nuk duhet të bëjmë imazhe të shenjta!*

«Mos bëj kurrfarë idhulli, as farë përfytyrimi [...] Mos i adhuro ato as mos u jep farë nderimi» (Dalja 20:4, 5). Mirëpo Kisha Katolike e Romës e inkurajon «përnderimin», aktin e përkukses para imazheve të shenjta, gjë që e bën edhe vetë papa.

### ***A duhet të ofrohet vazhdimisht sakrifica e kryqit?***

**Kisha Katolike thotë...**

*Po, duhet.*

«Duke kujtuar se vepra e shpengimit kryhet vazhdimisht në misterin e Sakrificës së Eukaristisë, priftërinjtë duhet ta festojnë atë shpesh...» (Kanuni 904).

**Bibla thotë...**

*Vetëm njëri Person ofroi një sakrificë të vetme*

*një herë e përgjithmonë dhe tani është ulur në lavdi.*

«Jezusi, posa e kërkoi uthullën, tha: 'Gjithçka u krye!' Uli kokën e dha shpirt» (Gjoni 19:30).

«Çdo prift rri përditë në këmbë duke shërbyer dhe duke blatur shpesh herë të njëjtat flijime, që nuk mund të heqin kurrë mëkatet, ai [Jezus Krishti], përkundrazi, pasi dha për gjithnjë një flijim të vetëm për mëkatet, u vu të rrijë në të djathtën e Perëndisë» (Hebrenjve 10:11, 12).

### ***A nevojiten priftërinjtë?***

**Kisha Katolike thotë...**

*Priftërinjtë janë të nevojshëm.*

«Ata [priftërinjtë] janë, në fakt, pjesëmarrës të priftërisë së vetë Krishtit [...] për të kremtuar adhurimin

hyjnor dhe për të shenjtëruar njerëzit» (Kanuni 835).

### **Bibla thotë...**

*Të gjithë besimtarët janë pjesë e priftërisë mbretërore për t'i çuar lavde Perëndisë dhe për t'i shërbyer Atij besnikërisht.*

«Ju jeni: [...] meshtari [priftëri] mbretërore [...] për t'i shpallur veprat e madhërueshme të Atij që ju thirri nga errësira në dritën e vet të mrekullueshme» (1 e Pjetrit 2:9). **Çdo besimtar ka hyrje të drejtpërdrejtë te Perëndia dhe nuk i duhet asnjë ndërmjetës veç Jezus Krishtit, Kryepriifti ynë.**

«Hyji është një i vetëm, një i vetëm është edhe Ndërmjetësi mes Hyjit e njerëzve: Njeriu Jezu Krishti, i cili e flijoi vetveten si shpërblim për të gjithë njerëzit» (1 e Timoteut 2:5, 6).

### **A të shpëton pagëzimi?**

#### **Kisha Katolike mëson...**

*Shpëtimi fillon me pagëzimin.*

«Pagëzimi, porta drejt sakramenteve, është i domosdoshëm për shpëtim faktikisht ose të paktën në qëllim, përmes të cilit burrat dhe gratë çlirohen nga mëkatet e tyre, rilindin si fëmijë të Perëndisë dhe bëhen pjesë e Krishtit...» (Kanuni 849).

#### **Bibla mëson...**

*Besimi vetëm në Krishtin do të të shpëtojë, jo veprat e tua të mira!*

Vepra e pajtimit u përfundua krejtësisht nga Jezus Krishti kur Ai vdiq në kryq dhe i ringjall përsëri. Asgjë që ne i shtojmë asaj që tashmë Perëndia Bir ka bërë nuk mund ta meritojë favorin e Perëndisë. «Ju në fakt, jeni të shpëtuar me anë të hirit, nëpërmjet besimit, dhe kjo nuk vjen nga ju, po është dhurata e Perëndisë, jo nga veprat, që të mos mburret askush» (Efesianëve 2:8, 9).

«Kjo është vepra e Perëndisë: të besoni në atë [Jezusin] që ai [Perëndia] ka dërguar» (Gjoni 6:29). «Nëse është në saje të hirit, nuk është sipas veprave, përndryshe hiri s' do të ishte më hir» (Romakëve 11:6).

### **Atëherë, si mund të shpëtohem?**

#### **Bibla thotë...**

*Kupto se nga natyra je një mëkatar dhe i padrejtë.*

«Të gjithë ne kemi qenë porsë i papastërti [para Hyjit], si petk i ndytë të gjitha drejtësitë tona» (Isaia 64:6). «Më dinake se çdo gjë tjetër është zemra, e pashërueshme» (Jeremia 17:9).

*Prano se je i ndarë nga Perëndia për shkak të mëkateve të tua.*

Si rrjedhim, ne jemi të vdekur frymërisht, të ndarë nga Perëndia dhe të dënuar përgjithmonë. «Paga e mëkatit është vdekja» (Romakëve 6:23a). Nuk ka asgjë për t'u merituar në ne që të na ndihmojë ndonjëherë për ta fituar shpëtimin tonë.

*Kupto nevojën që ke për një zëvendësues.*

Njëherë e përgjithmonë Krishti mori dënimin me vdekje për mëkatet e tua dhe për mëkatet e tërë botës: «[Krishti] në trupin e vet i mori mbi drurin e kryqit mëkatet tona» (1 e Pjetrit 2:24). Ju duhet t'i besoni atij si zëvendësuesin tuaj të drejtë, në të kundërt nuk mund të shpëtoheni.

*Thirri Perëndisë për dhuratën e Tij falas të shpëtimit.*

«Të gjithë mëkatuan dhe u përjashtuan nga lumturia e Hyjit e me hirin e tij, të gjithë e fituan falas drejtësinë, në saje të shpërblimit që bëri Jezu Krishti» (Romakëve 3:23, 24). Nëse je i bindur se shpëtimi është vetëm përmes besimit në vdekjen zëvendësuese të Krishtit në vendin tënd – bazuar vetëm në atë që thotë Bibla – shprehi drejtpërdrejt Perëndisë besimin tuaj të përzemërt. «Kjo është dëshmia: Hyji na e dha jetën e pasosur, e kjo jetë është në Birin e tij» (1 Gjonit 5:11).

*Pastaj, mbasi e keni pranuar dhuratën e jetës së përjetshme, jetoni për Perëndinë duke e lavdëruar dhe falënderuar.*

\* Të gjitha citimet e kanuneve të kishës katolike janë nga «Këshilli II i Vatikanit – Kodi i Ligjit të Kanunit», botuar me autoritetin e Papa Gjon Palit II, 1983.